

嶺南叢述卷四十七

東莞 鄧 淳 粹如編輯

新會 唐金釗 二羅參訂

走獸上

象

象性最靈余少時從槐庭兄宦合浦其地有象非其土產乃從安南來者能過海於水底行捕魚食之欲換氣則浮以鼻向天若植桅然良久復沒偶一歲颶風大作羣象不能吸呼皆死數日浮泊岍牙骨悉爲珠池太監所得其候以秋七月月至食人禾稻村民悉起持兵器擊羅鼓罵之象佇聽良久轉羣奔去至他所亦然或設陷坑每歲得二三隻嘗問外夷云取之法若欲活者則家畜象囚使就野象水草久之情熟則誘一二野象離其羣俟稍遠衆囚各以鼻纏其足拖歸其家預掘坑以待之象囚置野象於坑中饑

嶺南叢述

卷四十七

走獸

一

之三四日乃爲假人以高懸而下騎之象見假人大躍地爲之震復引假人而上每日如是數次稍俟馴投之草料久之象奴下騎之月餘益馴與家象同方砍地出之象牙自蛻者色死黯生牙自有肉紅色可辨如欲取象牙亦使象囚誘野群象入峽山中度行遠象囚急奔出則衆人悉力置竹鎗埋鹿角掘坑塹外圍旣固其中水草盡則象死無論多寡皆得其牙其牝牡相交悉在水傍泥淖中取樹葉藉之如人類若見人則羞起而逐之人須環嶺而走乃得逸若直走則卽爲所得矣得人則蹴踏之至死以鼻嗅之稍有氣仍復蹴踏至糜爛乃已

月山叢談交陟山中有石室唯一路可入周圍皆石壁交人先置芻豆於中驅一雌馴象入焉乃布甘蔗於道以誘野象象來食蔗則縱馴雌入野象羣誘之以歸旣入因以巨石窒其門野象饑甚人乃緣石壁飼馴雌野象見雌得飼始雖畏之終亦狎而求之益狎人乃鞭之以箠少馴則乘而制之凡制

象必以鉤交人之馴象也正跨其頸手執鐵鉤以鉤其頭欲象左
鉤頭右欲右鉤左欲却鉤額欲前不鉤欲象跪伏以鉤正案其腦
復重案之痛而號鳴人見其號也遂以爲象能聲喏焉人見其群
立而行列齊也不知其有鉤以前卻左右之也蓋象之爲獸也形
雖大而不勝痛故人得以數寸之鈎馴之久久亦解人意見籬象
者來低頭跪膝人登其頸則奮而起行象頭不可俯頸不可回口
隱于頤去地猶遠其飲食運動一以鼻爲用鼻端深大可以開閉
其中又有小肉夾雖芥子亦可拾也每以鼻取食卽就爪甲擊去
泥垢而後捲以入口其飲水亦以鼻吸而捲納諸口村落小民新
芻熟野象逐香而來以鼻破壁而入飲人之大患也象足如柱無
指而有爪甲登高山下峻阪渡深水其形擁腫而乃捷甚交人呼
而驅之似能與之言者貢象之役一象不甚馴未幾病死呻吟數
日將死回首指南而斃其能正邛如此是亦非凡獸也欽州境內

嶺南叢述

卷四十七

走獸

二

亦常有之象行必有熟路人於路旁木上施機刃下屬於地象行
觸機機刃下擊其身苟中其要害必死將死以牙觸石折之知牙
之爲身災也苟非要害則負刃而行肉潰刃脫乃已非其要害而
傷其鼻者亦死蓋其日用無非鼻傷之則療不可合能致死也亦
有設陷阱殺之者去熟路丈餘側斜攻土以爲窞使路如舊而象
行不疑乃墮窞中世傳象能先知地之虛實非也第所經行必無
虛土耳象目細畏火象羣所在最害禾稼人倉卒不能制以長竹
繫火逐之乃退象能害人羣象雖多不足畏惟可畏者獨象也不
容於羣故獨行無畏遇人必肆其毒以鼻捲人擲殺則以足蹴人
血透肌而以鼻吸飲人血殺一象衆飽其肉惟鼻肉最美爛而納
諸糟邱片腐之食物之一雋也象皮可以爲甲堅甚人或條截其
皮唾直而乾之治以爲杖至堅善云嶺外代答象南越大獸長鼻牙望
前如後三年一乳行朶肉兼十牛命在其鼻其所食物皆以鼻取

之蓋獸之象以鼻致用而不以口天之象以氣致用而不以言故天之象與獸之象同字且今服馴巨象以小斧刃斲之其金瘡見星月卽合雅象肉十有二種合十二屬膽不附肝隨月轉在諸肉中假如正月建寅膽在虎肉上餘月率同此例明皇所教之象天寶之亂祿山大宴諸酋出象給之曰此自南海奔至以吾有天命雖異類見必拜舞左右教之象皆怒目不動終不肯拜祿山盡殺之嶺表錄異象膽隨四時春在前左足夏在前右足秋後左足冬後右足政和本草象嗜稼凡引類於田必次畝而食不亂蹂也未旬卽數頃盡矣島夷以孤豚縛籠中懸諸深樹孤豚被縛喔喔不絕聲象聞而怖乃引類而遁不敢近稼矣夫體巨而力強者物莫象若佛書言菩薩之力譬如龍象是匹龍也孤豚之聲乃怖而遁之島夷之術奇矣抑何所受耶噫世之屏目任耳而自致疑懼者獨象也乎哉海語癸巳夏西師至肇慶久攻不下使羣象往皆縮栗獨一象牯

嶺南叢述

卷四十七

走獸

三

象牙

象牙長一丈脫其牙則深藏之削木代之可得不爾窮其主乃已也太平御覽兩牙夾鼻雄者六七尺雌者纔尺餘耳本草綱目

犀牛

嶺表所產犀牛大約似牛而豬頭脚似象蹄有三甲首有二角一在額上爲兕犀一在鼻上較小爲胡帽犀鼻上者皆窘束而花點少多有奇文牯犀亦有二角皆爲毛犀俱有粟文堪爲腰帶千百犀中或遇有通者花點大小奇異固無常定有偏花路通有頂花大而根花小者謂之倒插通此二種亦五色無常矣若通白黑分

明花點差奇則價計巨萬乃希世之寶也又有墮羅犀犀中最大一株有重七八觔者云是牯犀額上有心花多是撒豆斑色深者堪爲帶鏘斑散而色淺者卽治爲盤碟器皿之類又有駭雞犀辟塵犀辟水犀光明犀此數犀但聞其說不可得而見也嶺表錄異犀性絕躁似豕一管三毛有鳩處必有之形似水牛大腹卑脚脚有三蹄黑色三角一在頂上一在額上一在鼻上鼻上者卽食角也小而不好食棘亦有一角者前足直常倚木而息木仆則不能起異物志曰犀體兼五種肉又曰犀舌有棘常食草木棘刺不啖莖葉也舊說犀之通天者惡影常飲濁水重霧厚露之夜不濡其裏白星徹端世云犀望星而入角卽此也可以破水駭雞蓋犀之美者有光故雞見影而驚其次角理復有正插倒插正插者角腰以上通倒插者角腰以下通亦曰尖花小而根花大謂之倒插故南人以牙爲白暗犀爲黑暗言難別也犀亦絕愛其角隨角卽自埋

嶺南叢述

卷四十七

走獸

四

之王粲游海賦曰羣犀代角巨象解齒是也交州記曰犀有二角鼻上角長額上角短或曰三角者水犀也二角者山犀也在頂者謂之頂犀在鼻者謂之鼻犀嶺表錄異八蠶蠱鄉飲食中以犀角攪之有毒則白沫生以煮毒藥則無毒勢也犀角出暹羅者內凹外凸氣微腥出占城者四周圓整注沸酒且香照之有血暈者價兩倍廣語

水犀

平定縣巨海有水犀其出入有光水爲之開平定縣地今入吳川南越志海犀間出海上類野兕而額鼻有角與陸犀同所遊止處水爲分裂夜則淵面白光熒熒此其異也島夷以是候之然竟無獲者遂爲希世之物矣舊說温嶠然犀照水神怪莫遯卽其角也錢吳寶庫有水犀帶一具國亡流落人間不知所終云海語

元犀

漢時交趾有犀奔至高涼人以黑牛眠之有識者曰此元犀也楊

孚南裔異物志贊曰於惟元犀處自林麓食惟棘刺體兼五肉或有神異表靈以角含精吐烈望若華燭置之荒野禽獸莫觸黃志案此傳咸犀鈎銘舊志誤以爲楊孚南裔異物志阮志

茅犀

象耳濺濺其大如掌行動鼓舞有懽悅發揚之意狀似犀而角小居草茅而知吉凶東粵謂之茅犀遇之則吉赤雅犀牛犀者髦也其髦可爲旌旄也丹鉛錄云卽象也狀如犀而角小善知吉凶古人呼爲貓豬廣人謂之豬神本單綱目

犀牛黃

犀牛黃出陝西甘肅者謂之西黃出廣南者謂之廣黃本草綱目不著犀牛黃偶遺之爾舟車圖見錄

虎

高雷廉三郡多虎商旅遇之輒詬罵以奪虎氣斥之爲大蟲凡風

嶺南叢述

卷四十七

走獸

五

主蟲蟲風族虎乃風族之大者故虎之來必有風其聲颼疾山行者聞風聲有異則知有虎從化山中多虎常緋衣幘頭盛陳儀從而出夜則燈火煌煌射林薄見者以爲山神也欲食人則脫幘頭緋衣復變爲虎乃大哮吼而前廣語虎廣中州縣多有之而市有虎欽州之常也城外水壕往往虎穴其間時出爲人害村落則晝夜羣行不以爲異嶺外代答羅浮山有啞虎不嘯不啞仙人常乘之茅君內傳山有湖岬周迴數里常應海潮鐵橋石柱人不到者卽有啞虎巡山云因謂遊山虎羅浮山志興寧縣義熙四年忽有數十大鳥大如鷺少日化爲虎太平御覽

果下豹

羅山高入雲霧上有豹獸文彩蔚然小似猿猴南海人名之爲果

下豹

羅浮山記

雌

深廣山中有獸似豹常仰視天雨則以尾窒鼻南人呼爲倒鼻鼈捕得則寢處其皮士夫珍之以藉胡牀今冕服者所畫雖是也夫獸能以尾窒鼻禦雨斯亦智矣其登于三代之服章厥有由哉嶺外

代答

鹿

雷州之野多鹿鹿以清明前後三日生子子生三日始開眼遇雨乃起而跑未雨雖墮地一月其脛猶軟跬步卽顛踣故雷人每乘其候捕之邵子云雨化物之走風化物之飛鹿麕以雨而始跑所謂雨化物之走也雷人喜捕鹿子尤重胎皮及紅瑪瑙茸蓋鹿以一陰生而爲茸可以補陰糜以一陽生而爲茸可以補陽故男宜食麋女宜食鹿萬州六連嶺有鹿市崖州左右曠野亦多鹿鹿黎人謂州守者必以爲贄其茸嫩者如紫茄長三四寸紅鮮可愛然不踰時未潰而本乾剖之有如堅木所謂柴茸不如蜀產者茸已

嶺南叢述

卷四十七

走獸

六

岐枝解開猶嫩故入丸宜以川茸德慶青旗山有三足鹿初秦時龍母蒲媪常乘白鹿以出入農人惡其害稼母乃斷其一足以放之至今鹿有三足者三足鹿善鳴鳴輒有驗在山上隅鳴則貴官詣龍母廟自上流而至在下隅鳴則自下流而至甚不爽廣欽州平野多鹿中有一鹿大軀長角玉雪其色嘗墮蘇氏網羅幾擒而逸淳熙乙未二月有野婦把一白麕鬻於市太守鄭以錢七百得之日取生牛乳飼之長大乃雌爾然馴狎可愛鄭求得張曲江進白鹿故事作纍金羈絡掩尾之飾將以進呈然欽之白鹿自昔有之不足異也南方野鹿成羣望人不去近逼之而後走性癡畏聞人氣人在上風其走必速下風則走遲獵者從下風逼射之嶺外代答

麕

合浦有麕角當額上戴科籐一株三四條長可一尋射師不敢射

太平御覽

麋麋

儋耳珠崖郡山多麋麋前漢書地理志麋似鹿而大麋似鹿而小顏師古注麋

尾碎麋取置帛中能令歲久紅色不黧以拂羶則不蠹雅麋大麋

旄尾狗足好作聲其大者名麋說文麋一名麋旄尾狗足牡者有短

角黧色喜食橄欖高州寶山多有之其聲如破鉢每鳴則赦書至

居人以爲瑞廣語黃麋善走初走時交其後足望之若三足然雖後

犬弗之及追之至困獵者見其四足至地則必獲也皮軟膩以作

履襪甚良雷州府志

麋

麋性善驚故從章吳越春秋曰章者倥偬也飲水見影輒奔雅麋

似鹿而小黃黑色無角雄者有牙出口外秋冬居山春夏居澤獵

者得之以釀酒有消風之功八月至十一月食之勝羊肉諺曰秋

冬食麋春夏食羊麋以釀酒羊以爲糧廣語案南越筆記云香麋味

嶺南叢述

卷四十七

走獸

七

甘性溫食之不畏蛇毒臍名麋香非麋蕕之似麋者也考本草諸

書麋名香麋粵東有麋無麋多香狸筆記之說悞甚阮志

牛

上番禺諸鄉地瘠而民若窳耕者合數十家牛牧以一人人以一

日其牧牛之田曰牛田所生草冬亦茂盛食牛肥澤其種稻者曰

人田上番禺牛田多下番禺人田多○廣州凡潮田稍高者犁必

以牛牛必以吉貝核渣飼之乃肥有力核中有仁榨油意其渣尚

有潤澤故牛嗜之牛皆水牛春以犁田冬以馱榨榨者榨荻蔗以

爲糖也水牛多產神電志云電白旄牛廣語

山牛

瓊州多山牛兩睛紅常百十成羣見人吆喝弗避或曰山牛有四

眼上有兩旋毛狀似四眼故云廣語

潛牛

潛牛形似水牛一名牝牛廣志生西江中形似魚能上岸與牛鬪角軟還入水堅則復出肇慶府志東粵曰潛牛西粵曰州留赤雅今陽江無之郝志

烏犍牛

烏犍牛出陽春電白等界毛色光膩土人飾鞍轡乘之以代驢嶺南雜記

白牛

龍宮潭在縣南七十里保義西隅都新安江中舊傳國初有一白牛時沒潭中必倦喘而出其主異之乃置刀於角後復沒見一蛟傷而浮起乃知與蛟鬪也至今風雨忽有龍出沒旱魃鄉人往禱

多驗瓊州府志

駛牛

日南多駛牛日行數百里異物志

嶺南叢述

卷四十七

走獸

瀑牛

瀑牛野牛也出海康頂上有肉大如覆斗一曰犂牛犍行者日行三百里出交州合浦郭義恭廣志

擺牛

擺牛庫小今謂之搜牛也又呼果下牛出廣州高涼郡爾雅注

洋牛

洋牛有小白牛大如犬毛色斑有肉峯如橐駝澳門紀畧

聖齏

廣之容南好食水牛肉食訖即啜聖齏消之調以薑桂鹽醋腹遂不脹如青苔狀乃牛腸胃中未化草也嶺表錄異

牛舍利

恩州民張氏以屠牛致富一牛臨命跪膝若有請張不肯釋殺之將取其肝食血筒口處忽水珠迸出色如水銀而圓小大不等張

正驚視疑是黃牛始置未食及烹肉就貨刀不能切皆有圓珠如石滿其中胃臟盡然始知是舍利也張卽日罷業哀從來所棄牛骨并舍利作一塔葬之百川學海

馬

馬產於海南者極小只可伍之驢騾而身稍長耳毛片不殊於中州當少剪鬃時極駿可愛然騎駛則無長力海槎餘錄

果下馬

果下馬土產小駟也以出德慶之瀧水者為最高不踰三尺駿者有兩脊骨故又號雙脊馬健善行桂海虞衡志卑小可行果樹下故名謠云果下馬相逢為郎下果下牛相逢為儂留亦名石馬舟車間見錄

山馬

山馬形似鹿千百為羣角彎繞後嶺南雜記凡深山皆有之而陽江尤多似馬而有角毛似牛肉味美皮可為臥具能禦濕肇慶府志山馬角

嶺南叢述

卷四十七

走獸

九

彎而內向眼下復有二眼日閉夜開以燭物善入棘叢黎人得之以其皮易布不識者以為山牛也廣語

驛馬

平定縣東有巨海有驛馬似馬牛尾一角南越志

丹馬

紹興中廣州西海壩出丹馬語在事紀按禮斗威儀曰君乘火而王者其政訟平則南海輸以駿馬其告祥可見黃志

海馬

海馬色赤黃高者八九尺逸如飛龍山食而宅海蓋龍種也東南島夷老於泛海者間一見云昔人有得巨獸骨者以問沙門贊寧贊寧曰是為海馬骨水火俱不能毀惟漚以糟腐即爛矣試之果然前代緇流博雅乃爾則名為大儒者其可及哉海語

厄馬

厄馬最大長頸高足翼翎美麗不能飛足若牛蹄善者馬不能及
卵可作杯卽今番舶所市龍卵也

澳門紀畧

馬會

東莞盛時喜爲馬會以馳騁相雄每會日於平原廣野設步障陳
鼓樂數百里外皆以名馬來赴其下者不得雜馳卽上駟亦須主
人舉觴以請乃馳有黎姓者以控縱之道名當其出馬皆屏氣斂
容以觀其馳驟有躑躅橫排小行大行中行拆脚諸法一步不亂
時有一馬兩目如紫琉璃高項廣膊駿甚人不能騎兩壯夫牽之
昂首頻嘶躑躅不定黎已年老力不踰中人然執鞭躡鐙馬爲戰
栗往返十餘次奔騰超逸足不參錯觀者皆爲神王有贈以詩云
一片紅塵隨電去只聞風雨在空冥

廣語

越駝駿

越駝之西多薦草木產善馬世稱越駝駿始生若羔歲中紐莎縻
嶺南叢述

卷四十七

走獸

十

南蠻傳